

CCCLVI.

Lettre du Prince d'Orange à François de la Kethulle, et à Josse Borluut. — Il propose de traiter de la délivrance du s^r de la Noue. (Mss. B.)

1580
6 Decemb.

Messieurs, ay este adverty par Monsieur de Telligny de quelque moyen qu'on luy propose pour la delivrance de Monsieur de la Noue son pere, duquel il ma dict que vous avez eu cognoissance. Je vous prie dy vouloir bien penser et de vouloir laider en ce que vous pourrez, si vous voyez quil y ait apparence. Je ne vous escri riens de la consequence car je scay que vous la cognoissez, mais outre le service general, vous me ferez un tres grand plaisir de quoy je me sentiray grandement vous estre oblige. Et sur ce prieray Dieu vous donner,

Messieurs, avecq bonne sante heureuse vie et longue. De Delft
le 6 de Decembre 1580.

Vre bien bon amy a vre commandement,
GUILLE DE NASSAU.

A Monsieur de Rihoven Grand Baillif
et Monsieur de Boucle Premier Esche-
vin de la ville de Gandt.

